



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. V. De Infirmitate, & Paupertate a Jejunio excusantibus.

urn:nbn:de:hbz:466:1-40673

ARTICULUS V.

De Infirmitate, & Paupertate a
Jejunio excusantibus.

an excusentur a jejunio, etiam si dubitent, an excusentur, & a fortiori si probiliter credant excusari. Ratio est, quia in dubio nemo debet presumi vel le peccare, ex leg. Merito, ff. Pro sacerdotio, Si vero probabiliter, vel certo moraliter sciant tabernarii, quod hospites peccent coenando, Navar., Tollet., Medin., & alii apud Dian. part. i. tract. 9. refol. 39. permittunt, quod illis coena ministretur. Quod etiam docet Sanch. lib. 1. cap. 7. Ratio est, quia ministratio illa, immo & ultronea invitatio non sit directe ad non jejunandum, sed solum ex intentione lucri invitatur ad coenam, veluti conditionate, hoc est, si velitis coenare, potius coenate apud me, quam divertatis ad alium. Præterea sicut ab usurario parato peti potest mutuum, quia de se potest id sine peccato ponи, si scilicet detur mutuum sine usuris; ita quia potest hospes sine peccato coenare, dummodo semel in die cibis Quadragesimalibus se reficiat, ideo absolute exhibetur illi aliquod de se indifferens, quo ille sua malitia abutitur. Si vero loquamur de ministracione, & invitatione ad carnes, certum est, non posse tabernarios invitare hospites, nisi conditionate, ut diximus quæsito antecedenti, dicendo, quod si velint absolute carnes comedere, potius illas comedant in tali taberna, quam alibi. Ratio est, quia comedere carnium fieri non potest sine peccato a non excusatis; sicut potest sine peccato fieri coena, dummodo semel tantum fiat.

VIII. Notandum demum, quod pueris ante usum rationis, sicut etiam Paganis licite carnes ministrantur; quia non tenentur legibus Ecclesiasticis.

I. Excusant Dispensatio, & Impotentia saxe orta ex infirmitate, paupertate, labore, atate.

II. Infirmitas excusans debet esse notabilis, puta si timeatur ex jejunio capitis vertigo, aut stomachi dolor; Aut si ex illo impedianter consueta uniuscuiusque operationes.

III. Pregnantes, & nuerices, et si validæ, ad jejunium non tenentur, sed tenentur secundum se a carnis bus abstiner. Qui absque canane- quia noctu calefieri sufficienter, non tenetur mane jentare, ut vespere canet.

IV. In dubio an jejunium sit graviter nocitum, standum iudicio Medicis docti, & timorati; vel petenda est dispensatio; Quia probabiliter dari potest, etiam si dubitetur, an detur iusta causa ad dispensandum.

V. Nec Medicus, nec Confessarius dispensare potest in jejunis, sed solus Superior; etiam Parochus; non tam Abbatissa.

VI. Excusatur pauper, si careat sufficiens cibo. Sed quinam dicuntur cibus sufficiens?

VII. Num liceat messoribus, ac iter agentibus vesci lacticiniis, si desit sufficiens aliud alimentum?

I. **A** Jejunio excusant Dispensatio, & Impotentia, sive physica, sive moralis; hæc autem oritur ut plurimum ex infirmitate, paupertate, labore, atate. In hoc articulo agendum de infirmitate, & paupertate, in sequenti de labore, & atate.

H. Quæritur primo; Quænam infirmitas a jejunio excusat?

Respondeo nonnisi notabilem. Qua-

re excusantur tam qui de facto infirmi sunt, quamvis ex propria culpa, quam qui ex jejunio notabilem infirmitatem timent, verbi gratia capitis vertiginem, stomachi dolorem; non enim expectandum est actuale detrimentum, sed sufficit timor non levis mali, non quidem gravissimi, sed notabilis. Quare qui sibi bona fide, vel ex experientia, vel ex probabili ratione persuadet graviter nociturnum jejunium, non tenetur jejunare.

III. Si tamen petas, quodnam dicitur damnum notabile? Respondeo hanc regulam a Doctoribus assignari. Si ex jejunio impedianter operationes ordinariae cuiuscumque personæ, jejunum dicitur graviter nocere: Verbi gratia, si studens ex jejunio capite doleat, itaut cum difficultate possit studere, si cum gravi incommode famula exerceat servitia domus, aut artifex opus suum. Et hac de causa communiter excusantur prægnantes omnes, & nutrices, idque etiam si robustæ sint, ex Reginald. contra Sylvest. apud Dian. part. 1. tract. 9. resol. 14.; quia istæ pauca sunt, & leges aptantur ad communiora. Universum autem prægnantes, & nutrices indigent multipli refectione; quamvis teneantur abstine-re a carnibus, nisi specialiter indigent. Idem putat Tambur. dicendum de foemina, quæ probabiliter mox est conceptura, si a medicis judicetur, jejunia matris nocitura proli suscipienda; debet enim mater convenientia remedia, & alimenta ponere, ne forte fœtus concipiendus elanguecat. Excusatur etiam, qui ita stomacho debili friget, ut sumere non possit una vice refractionem sufficientem; Necnon qui noctu per notabile tempus dormire non potest, nisi cœnet; aut qui de nocte absque perfecta cœna calefieri notabiliter nequit. Hoc enim est nimis onerosum. Neque hic obligatur ad jentandum mane, ex Sanch. & Dian.

resol. 5., Fagund., & Tambur. Ratio est, quia nemo obligatur ad remedia extraordinaria, & relinquere jus suum comedendi circa meridiem.

IV. Adde, non solum infirmitatem actualem, aut imminentem excusare, sed etiam si sentias stomachi debilitatem extraordinariam, aut notabilem lassitudinem, ex Bonac.; quia universum cum gravi incommodo præceptum jejunandi non obligat. Quando autem dubium est, an infirmitas sit satis ad excusandum a jejunio, vel ab abstinentia a carnibus, requiritur vel medici docti, & timorati judicium, vel dispensatio Superioris. Certe autem sufficiens causa habetur, quando adeat solum periculum probabile damni gravis: Immo quando adeat dubium, an detur causa sufficiens ad dispensandum, poterit etiam dari dispensatio, ut docet Sanch. lib. 4. cap. 45. contra Bonac. apud Dian. part. 1. tract. 10. resol. 31.; quia bonum, & suave Ecclesiæ regimen id postulat. Quamvis in tali casu consultius sit ex Tambur., quod admisceatur aliqua commutatio, verbi gratia in eleemosynam, orationem.

V. Quaritur secundo; An etiam Confessarius, & Medicus dispensare possint in jejunii?

Respondeo negative, cum non sint Superioris: Quare possunt hi, & quilibet aliis vir prudens, & peritus solum declarare, quod adsit causa sufficiens ad non jejunandum; dispensare autem potest solus superior habens jurisdictionem in foro externo, videlicet Episcopus, & Prælati regulares relate ad suos subditos; Vicarius etiam generalis Episcopi, non quidem ex generali commissione Vicarius, sed ex speciali mandato, ut diximus cum de præcepto missæ; Et propter præscriptam consuetudinem etiam Parochus ex Sanch. lib. 8. disp. 9., ne nimis graventur fideles, & Episcopi, si esent

sent pro his frequentibus, & minutis dispensationibus semper adeundi: Non tamen Abbatissa, cum non habeat jurisdictionem spiritualem; nec detur talis consuetudo, sicut datur in Parochio. Quando autem nec datur superior, qui dispensem, nec vir peritus, qui declarerit sufficientiam causæ excusantis, satis est ex Sà, quod ipse subdus bona fide putet dari sibi causam sufficientem.

VI. Quæritur tertio; Quænam paupertas excusat?

Respondeo, excusare paupertatem, quando quis ob illam cogitur laborare, & propter defatigationem indiget secunda refectione. Secundo, quando quis caret cibis, quibus unam sufficientem refectionem assumat. Non habet autem sufficientem refectionem ex Tambur., & aliis apud Dian., qui solum habet copiam panis, & vini relate ad eos, qui non sunt ad id assueti, eo quod tale jejunium videatur nimis onerosum. Si vero semel, aut iterum habeat insuper aliquod obsonium, verbi gratia nuces, olivas, cæpas, &c., ubi non patietur notabile incommodum, videtur universim obligandus. Quod si contingat non raro, solum videntur obligandi rustici firmæ sanitatis, & his vilioribus obsoniis assueti, non vero alii, qui sic nimis, & extra modum macerentur; nisi tamen haberent quotidie plura ex his vilibus obsoniis; quicquid alii in hoc contradicant.

VII. Ex his infertur, excusari iter agentes, qui hora prandii non possunt invenire sufficiens alimentum. Secundo, ex Sanch. apud Trull. excusantur agricultoræ, si edant, & præbeant suis domesticis, messoribus, putatoribus lacticinia, & ova, quæ possunt facile invenire, quando commode non possunt invenire pisces, aut aliud, quod comedant.

ARTICULUS VI.

De Labore, & Aestate, quæ a Jejunio excusant.

- I. Excusantur a jejunio, qui exercente artem de se laboriosam, quamvis possint commode jejunare.
- II. Quænam dicatur ars de se laboriosa incompossibilis cum jejunio?
- III. Non videntur artes de se laboriosa, Ars Sutoris, qui pannos suit, & Ars Barbitonoris; unde solum per accidens excusari possunt.
- IV. Quænam reputentur exercitia de se non laboriosa? Num Cantoris, Advocati, Concionatoris? Et quid iter agentibus?
- V. Qui arti laboriosæ operam navant, si uno, aut altero die a labore desistant, num teneantur iis diebus jejunare?
- VI. Quandonam Conjux a jejunio excusatur, si non possit aliter debitum reddere?
- VII. Non licet in fraudem jejunii opus laboriosum assumere, aut longum iter. Quomodo liceat aliquando ire venatum, quamvis non sit compessibile jejunium cum ea navigatione?
- VIII. Probabiliter senes etiam robusti ad jejunium non obligantur inchoato anno sexagesimo; Et fœmina juxta nonnullos inchoato quinquagesimo. Quid si dubitetur de tali atate?

I. Quæritur primo; Quinam labor excusat a jejunio?

Respondeo, laborem omnem cum jejunio incompossibilem excusare. Dicitur autem incompossibilis labor, quotiescum gravi difficultate, & incommodo laborans jejunaret. Immo ex Eugen. IV. excusantur omnes illi, qui artem de se laboriosam exercent, putaligarii, fossores, bajuli, etiamque

rc-